

春秋集注

春秋之卷七
 定公一
 哀公一
 哀公二


			五	漢書門
		九	〇	
		七		
冊	架	函	號	類


東京圖書館				
			五	漢書門
		〇	七	
冊	架	函	號	類

內閣文庫			
三	五		漢書
五	九	〇	
函	〇	七	
三	一		
架	冊	號	類

不許帶出

內閣文庫	
番號	漢 5907
冊數	10 (10)
函號	275 25






春秋集傳卷之三十四

定公一

淺草文庫



壬敬王十一年 元年 晉定三年 齊景三十九年

鄭獻五年 曹隱公通元年 陳惠二十一年 蔡昭十年

祀悼九年 宋景八年 秦哀二十八年 楚昭七年 吳闔廬六年

春王

春秋集注

卷三十四

元年必書正月謹始也定何以無正月昭公薨於乾侯不得正其終定公制在權臣不得正其始魯於是曠年無君春秋欲謹之而不可也季氏廢太子衍及務人而立公子宋宋者昭公之弟其主社稷非先君所命而專受之於意如者也故不書正月見音魯國無君定公無正主人習其讀而問其傳林則未知已之有罪焉耳

三月晉人執宋仲幾于京師

按左氏諸侯會城成周宋仲幾不受功曰滕薛耶吾役也為于偽是執之則有罪矣書晉人執仲幾于京師則貶辭也以王事討有罪何貶乎按周官

司隸掌凡囚執人之事屬於司寇凡諸侯之獄訟定以邦典凡卿大夫之獄訟斷亂以邦法則大司寇之職也不告諸司寇而執人於天子之側故雖以王事討有罪猶貶凡此類皆篡弑之萌履霜之漸執而書其地謹之也每謹於初而禍亂熄矣

夏六月癸亥公之喪至自乾侯戊辰公即位

位

昭公之薨已越葬期猶未得返至于六月癸亥然後喪至而定之即位乃在是月之戊辰蓋遲速進退為意如所制不得專也以周書顧命考之成王

之崩在四月乙丑宰臣太保即於是日命仲桓有
宮毛俾爰齊侯呂伋以二千戈虎賁音百人逆王
世子釗昭音于南門之外延入翼室宅音憂為天下主
不待崇朝而後定也今昭公喪至在葬期之後公
子宋自壞墮徒回先入猶未得立是知為意如所
制不得以時定非謂正棺乎兩楹之間故定之即
位不可不察也夫即位大事也宗嗣先定則變故
不生蓋代君享國而主其祭宜戒宜懼一失幾會
或萌窺伺音之心至於生變則為不孝矣古人所
以貴於早定國家之本也今昭公之薨定公之即
位春秋詳書于策非為後法乃見音諸行事為求
鑒耳

秋七月癸巳葬我君昭公九月大雩

立煬宮

煬公伯禽之子其曰立者不宜立也喪事即遠有
進而無退宮廟即遠有毀而無立

冬十月隕霜殺菽

穀梁子曰菽舉重也未可以殺而殺舉重可殺而
不殺舉輕其象則刑罰不中仲之應

癸敬王十一年晉定四齊景四十衛靈二

二年蔡昭十一鄭獻六曹

春秋集注

卷三十四

三

春秋集言 卷三十四
隱二陳惠二十二杞悼十宋景九
秦哀二十九楚昭八吳闔廬七

春王正月夏五月壬辰雉門及兩觀災

秋楚人伐吳冬十月新作雉門及兩觀

書新作者譏僭王制而不能革也雉門象魏之門
其外為庫門而臯門在庫門之外其內為應門而
路門在應門之內是天子之五門也僖公嘗脩泮
宮復闕宮非不用民力也而春秋不書新作南門
則獨書者南非一門也必有不當為者子家駒以
設兩觀為僭天子是非諸侯之制明矣夫撥亂反

正者必本諸身身正者物必正春秋於僭君必書
者必正之意也使定公遇災而懼革其僭禮三家
陪臣雖欲僭諸侯執國命其敢乎習舊而不知以
為非何以禁季氏之脅其生矣故特書新作以譏
之

甲 敬王十三年 三車 晉定五 齊景四十一 衛靈
午 三年 蔡昭十二 鄭獻七

曹隱二 陳惠二十三 杞悼十一 宋
景十 秦哀三十 楚昭九 吳闔廬八

春王正月公如晉定至河乃復 二月

辛卯邾子穿卒夏四月○秋葬邾莊

公冬仲孫何忌及邾子盟于板

乙敬王十四年 **四年** 晉定六 齊景四十三 衛靈

曹隱四 弒陳惠三十四卒 杞悼十二卒 宋 景十一 秦哀三十一 楚昭十 吳闔廬九

春王二月癸巳陳侯吳卒○三月公會

劉子晉侯宋公蔡侯衛侯陳子鄭伯許男

曹伯莒子邾子頓子胡子滕子薛伯杞伯

小邾子齊國夏于乃侵侵楚

按左氏傳 林恣 書伐而經書侵楚者楚為無道 憑 陵諸夏為 于傷 一裘一馬 拘唐祭 二君 三年 而後 遣蔡侯既歸請師于晉 晉人請命于周 大合諸侯 天子之元老在焉 若能暴 蕭 外明其罪 恭行 天討 庶幾哉 王者之師 齊桓晉文之功 編矣 有荀寅者 求貨於蔡侯弗得 遂辭 蔡人 晉由是失諸侯 無功 而還 旋音書曰

侵楚陋之也

夏四月庚辰蔡公孫姓帥師滅沈以沈子

嘉歸殺之

沈人不會于召陵晉人使蔡伐之書滅沈罪公孫
姓也書以歸罪沈子嘉也書殺之罪蔡侯也奉詞
致討而覆醜其邦家為敵所執不死于位皆不仁
矣所惡為故於前無以先聲後出乎爾者反乎爾
者也蔡侯視楚猶沈視蔡也昭公拘於郟二年而
後反非以國小而弱乎沈雖不會召陵未有六罪
惡也而恃強殺之甚矣能無公孫翮之及哉宋以
曹伯陽歸蔡以沈子嘉歸皆殺之也而或書或不

書其不書者賤而畧之也

五月公及諸侯盟于臯馳

定公之立上不請於天子下不告於方伯而受國
於季孫意如故二十二年朝晉至河而復今會諸侯求
為此盟書公及者內為志也召陵之會必序不序
十有八國之諸侯則無以見賄侵楚之陋臯馳之
盟序與不序非義所繫則以凡舉可矣

杞伯成卒于會 ○六月葬陳惠公 ○許

遷于容城 ○秋七月公至自會 ○劉卷

春秋傳卷三十四 襄公十四年

卒葬北悼公。楚人圍蔡。晉士鞅衛孔圉帥師伐鮮虞。葬劉文公。冬十有一月庚午蔡侯以吳子及楚人戰于柏舉。楚師敗績。楚囊瓦出奔鄆。

吳何以稱子善伐楚解蔡圍也。荆楚暴橫，去盟主不能致其討，天主不能達其命，長上惡不悛，音復。扶又興師而圍蔡，王法所當討而不赦也。吳能自卑聽蔡侯之義以達天子之命，興師救蔡戰于柏

蔡大敗，必遇楚師成伯討之功，善矣。晉主夏盟，中國所仰，若嘉穀之望雨也。有請于晉如彼，其難吳國天下莫強焉，非諸侯所能以也。有請于吳如此，其易以鼓故召陵之會，大合諸侯而書侵楚，柏舉之戰，蔡用吳師，特書曰以者，深罪晉人保利棄義難於救蔡也。然則何以不言救乎？救大矣，闔閭子胥宰嚭，音鄰皆懷謀楚之心，蔡人往請會，逢其適非有救災恤鄰從簡書，夏中國之實也。聖人道大德宏，樂辭與人為善，故因其從蔡特進而書爵囊瓦貪以敗國，又不能死，可賤甚矣。故記其出奔，特貶而稱入春秋之情見矣。

春秋傳卷三十四

庚辰吳入郢

及楚人戰則稱爵入郢則舉其號何也君舍于其君之室大夫舍于大夫之室狄道也聖人誰毀誰譽平救災恤鄰則進而書爵非有心於與之順天命也乘約肆密則黜而舉號非有心於貶之奉天討也伐國者固將拯民於水火之中而鳩聚集之耳殺其父兄係其子弟毀其宗廟遷其重器而亂男女之配也如水益深如火益熱則善小而惡大功不足以掩之矣聖人無毀譽如鏡之無妍醜也因事物善惡而施褒貶焉不期公而自公爾明此義然後可以司賞罰之權得春秋之法矣

丙敬王十

五年

晉定七齊景四十三衛靈公三十蔡昭十四鄭獻九曹

靖公露元年陳懷公柳元年杞僖公過元

年宋景十二秦哀三十二楚昭十一吳闔廬十

廬十

春王三月辛亥朔日有食之夏歸粟于

蔡於越入吳六月丙申季孫意如卒

內大夫有罪見討則不書卒公子翬是也仲遂殺惡及視罪與翬同而書卒者以事之變卒之也意如何以書卒見現定公不討逐君之賊以為大夫

全始終之禮也定雖受國於季氏苟有叔孫婁之
見不賞私勞昭公五年傳致辭辭意如以明君臣之
義則三綱可正公室強矣令苟於利而忘其讎三
綱滅公室益侵陪臣執命宜矣故意如書卒主人
習其讀而問其傳林恣
則未知已之有罪焉爾

秋七月壬子叔孫不敢卒又晉士鞅帥

師圍鮮虞

丁敬王十
六年十
六年
晉定八
齊景四十四
衛靈
蔡昭十五
鄭獻十

曹靖二 陳懷一 杞信三 宋景三十一
秦哀三十一 楚昭十 吳闔廬十

春王正月癸亥鄭游速帥師滅許以許男

斯歸○二月公侵鄭公至自侵鄭夏季

孫斯仲孫何忌如晉秋晉人執宋行人樂

祁犁

稱人以執非相討也祁犁聘于晉王趙簡子飲於
及以酒焉獻楊楮食九六十月范趙方惡如字又其

辛曰昔吾主范氏今子主趙氏是賈禍也范氏
子果怒言於晉侯曰以君命越疆未致使而
私飲酒不敬十君不可不討也乃執欒祁執非無
名何以非伯討也使范趙方睦皆有獻焉則弗執
之矣執異國行人出於列卿私意威福之柄移矣
三家分晉而靖公廢為家人豈一朝一夕之故哉

冬城中城○季孫斯仲孫忌帥師圍鄆

戊敬王十七年晉定九齊景四十五衛靈
昭十六鄭釁十

曹靖三陳懷杞僖三宋景十四
秦哀三十四楚昭十三吳闔廬十二

春王正月夏四月秋齊侯鄭伯盟于鹹

齊人執衛行人北宮結以侵衛齊侯衛

侯盟于沙○大雩○齊國夏帥師伐我西

鄙○九月大雩○冬十月

春王正月

春秋集傳卷之三十四 終

春秋集傳卷之三十四

猶○八月大雩○九月

刺盟于成○大雩○晉國以四州外為

齊人將南討人將自故以刺南來

齊王五月夏○齊刺盟于成

春秋集傳卷之三十五

定公二

敬王十八年晉定十齊景四十六衛靈

二曹靖四卒陳懷四卒杞禧四宋景十

春王正月公侵齊公至自侵齊二月公

侵齊三月公至自侵齊曹伯露卒

夏齊國夏帥師伐我西鄙公會晉師于

瓦王五月公會晉師公會晉師公會晉師

按左氏晉士鞅荀寅救魯則其書公會晉師何也春秋大法雖師以于君而與大夫敵至用大衆則君與大夫皆帥師為重而不敢輕也故柴林之會不言趙盾而言晉師在之會言晉師而不書士鞅於以見人臣不可亂民有衆專主兵權之意陳氏厚施式於齊以移其國季孫盡征於魯以奪其民皆王法所禁也春秋之義行則不得為爾矣

公至自瓦○秋七月戊辰陳侯柳卒○晉

士鞅帥師侵鄭遂侵衛○葬曹靖公○九

月葬陳懷公○季孫斯仲孫何忌帥師侵

衛○冬衛侯鄭伯盟于曲濮○從祀先公

蜀人馮山曰昭公至是始得從祀於太廟其說是也季氏逐君而制其死生之命公薨乾侯不得終於正寢既薨十月又不得以時歸葬既葬絕其兆域又不得同於先君而在墓道之南至孔子為

寇然後溝而合諸墓則其生雖久未得從招魂而
附祭宜矣及意如已卒陽虎專季氏將殺季孫斯
而亂魯國託於正以售承况其不正始以昭公之
主從祀太廟蓋欲著季氏之罪以取媚於國人然
其事雖順其情則逆春秋原情制法故不書禘事
與曰特曰從也先公於盜竊寶王太弓之上見
事出陽虎而不可諱也其亦深切著明矣

盜竊寶王太弓

庚子 敬王十九年 晉定十一年 齊景四十七年 衛
靈三十四年 蔡昭十八年 鄭獻

十三卒曹伯陽元年 陳閔公越元年 禮僖
五 宋景十六 秦哀三十六 卒 楚昭十五 吳
闔廬 十四

春王正月夏四月戊申鄭伯萬卒 ○得

寶王太弓

穀梁子曰寶王封圭太弓武王之戎弓周公受賜
藏之魯或曰夏后氏之璜音封父之繁扶元弱也
子孫世守罔敢失墜以昭先祖之德存肅敬之心
取古者告終易代弘璧琬琰於阮琰以冉天球夷王

先王之教和之弓垂之竹矢莫不陳列非直為美也
也先王所寶傳及其身能全而歸之則可以免矣
魯去其政陪臣擅權雖先公分扶問器猶不能守
而盜得竊諸公宮其能國乎故失之書得之書所
以譏公與執政之臣見不恭之大也此義行則
有天卞國家者各知所守之職不敢忽矣

六月葬鄭獻公秋齊侯衛侯次于五氏

秦伯卒冬葬秦哀公

牛敬王二十一年 晉定十二 齊景四十八 衛
尹十年 靈三十五 蔡昭十九 鄭聲

勝元年曹陽二 陳閔二 杞僖十 宋景十
秦惠公元年楚昭十六 吳闔廬十五

春王三月及齊平夏公會齊侯于夾谷公

至自夾谷

夾谷之會孔子相息亮及犁彌言於齊侯曰孔
丘知禮而無勇若使萊人以兵劫魯侯必得志焉
齊侯從之兩君就壇兩相相揖齊人鼓譟素報而
起欲以執魯君孔子歷階而升不盡一等而視歸
乎齊侯曰兩君合好呼報而裔夷之浮以兵亂
之非齊君所以命諸侯也裔不謀夏夷不亂華

春秋左傳卷三十四

不于盟兵不偪被力姪於神為不祥於德焉後義
於人為失禮齊侯遽止之而屬其臣曰夫人
率其君與行古人之道二子獨率我入夷狄之
俗使寡人獲罪於魯侯如之何晏子曰小人之謝
過也以文君子之謝過也以質君已知過則謝之
以質爾於是歸鄆謹陰之田仲尼一言威重於
三軍亦順於理而已矣故天下莫大於理而強象
不與音焉

晉趙鞅帥師圍衛 ○齊人來歸鄆謹龜

陰田公示平國

齊人前此嘗歸濟子禮西田矣後此嘗歸謹及闡
矣而此獨書來歸何也曰歸者魯請而得之也曰
來歸者齊人心服而歸之也定公齊侯會于來谷
孔子攝相息亮事具左右司馬以從才用至于會
所以禮相見卻齊倖拒兵車之命而罷享禮之設
于野由是齊侯歸三邑以謝過故楊子法言曰仲
尼用於魯齊以章章歸其侵疆桓公以義責楚而
楚人來盟夫子以禮責齊而齊人歸地皆書曰來
序績也春秋夫子之筆削自序其績可乎聖人會
人物於一身萬象異形而同體通古今於一息百
王異世而同神於土皆安而無所避也於我皆真
而無所忘音也其曰天之將喪息哀斯文也後

死者不得與預於斯文也天之未喪斯文也匡人其如予何是以天自處矣而亦何嫌之有

叔孫州仇仲孫何忌帥師圍郕○秋叔孫州仇仲孫何忌帥師圍郕

郕叔孫氏邑也侯犯以郕叛不書于策書圍郕則叛可知矣再書二卿帥師圍郕則疆亦可知矣天子失道征伐自諸侯出而後大夫疆諸侯失道征伐自大夫出而後家臣強其逆彌甚則其失彌速故自諸侯出十世希不失矣自大夫出五世希不失矣陪臣執國命三世希不失矣三家專魯為且

已久至是家臣爭叛亦其理宜矣春秋制法本忠恕施諸已而不顧亦勿施諸人故所惡烏故及於上不以使下所惡於下不以事上二三子知傾公室以自張如而不知家隸之擬其後也凡此類皆據事直書深切著明矣

宋樂大心出奔曹○宋公子地出奔陳○

冬齊侯衛侯鄭游速會于安甫○叔孫州

仇如齊○宋公之弟辰暨仲佗石彊出

奔陳

按左氏宋公子地有白馬四公以與桓魋從回地怒扶反救之魋奪之魋懼將走公泣之母弟辰曰子為君禮不過出境君必止子地出奔陳公弗止辰為于偽之請弗聽辰曰是我廷求狂古况吾兄也吾以國人出君誰與處書曰宋公之弟辰暨仲佗石彊出奔陳其弟云者罪宋公以嬖魋故以失二弟無親親之恩暨云者罪辰以兄故帥其大夫出奔無尊君之義夫暨者不得已之詞又以見謂仲佗石彊見脅併業於辰不能自立無大臣之節也

王敬王二十有一年晉定十三齊景四十九衛靈三十六蔡昭

二十鄭聲二曹陽三陳閔三把僖七宋景十八秦惠二楚昭十七吳闔廬十六年

春宋公之弟辰及仲佗石彊入于地自陳

入于蕭以叛○夏四月○秋宋樂大心自

曹入于蕭

出奔陳則稱暨入于蕭以叛則稱及及非不得已之詞得已而不已者也夫事君者可以貧可賤可殺

而不可使為亂今不得已而輕於去國猶之可也
得已不已而果於叛君則無首從反用之別筆列
其罪一施之故不稱賢而稱及四卿在蕭以叛而
大心自曹從之其叛可知矣故不書叛而曰入于
蕭入逆詞也書自陳自曹者結鄰國以入叛陳與
曹之罪亦著矣

冬及鄭平叔還如鄭泄盟

癸 敬王二十二年 **十有二年** **晉** 定十四 **齊** 景五十
邾 靈三十七 **蔡** 昭二

十一 **鄭** 聲三 **曹** 陽四 **陳** 閔四 **杞** 僖八 **宋** 景
十九 **秦** 惠三 **楚** 昭十八 **吳** 闔廬十七年

春薛伯定卒夏葬薛襄公 ○叔孫州仇

帥師墮郟 ○衛公孟彊帥師伐曹 ○季

孫斯仲孫何忌帥師墮費

按左氏仲由為季氏宰將墮三都於是叔孫氏
墮郟季氏將墮費公山不狃叔孫輒帥費人襲
魯公與三子入季氏之宮登武子之臺費人攻
之入及公側仲尼命申句須樂頎下伐之
二子奔齊遂墮費禮曰制國不過千乘
都城不過百雉家富不過百乘以此坊同防民

諸侯猶有叛者見坊記故家不藏甲邑無百雉之城禮所當謹也邱費成者三家之邑政在大夫三卿越禮各固其城公室欲張而不得也三桓既微陪臣擅命憑倚其城數色角有叛者三家亦不能制也而問於仲尼遂墮三都是謂以禮為國可以為之兆也推而行諸魯國而隼則地方五百里凡侵小而得者必有興滅國繼絕世之義諸侯大夫各謹於禮不以所惡鳥故於上者使其下亦不以所惡於下者事其上上下下交相順而王政行矣故曰苟有用我者期月而可三年有成

秋大雩 ○冬十月癸亥公會齊侯盟于

黃 ○十有一月丙寅朔日有食之 ○公

至自黃 ○十有一月公圍成公室自圍成

按左氏將墮成公欽處父謂孟孫曰墮成齊人必至於北門且成孟氏之保障無成是無孟氏也子偽不知我將不墮書公圍成強也其致危之也仲由為季氏宰孔子為魯司寇而不能墮成何也按是冬公圍成不克越明年孔子由太司寇攝相亮反事然後誅少正卯與聞國政三月而商賈音信於市男女別於途及齊人饋女樂孔子遂行然則圍成之時仲尼雖用事未能專得魯國之政也

而辯言亂政如少正卯等必肆疑沮在呂於其間矣成雖未隨無與為比此至亦不能為患使聖人得志行乎魯國以及暮月則不待兵革而自墮矣

甲辰 敬王二十三年 十有三年 晉定十五年 齊景五十年 衛靈三十八年 蔡昭

二十二年 鄭聲四曹 陽五 陳閔五 杞僖九年 宋景二十 秦惠四 桓昭十九 吳闔廬十八

春齊侯景衛侯靈次于垂葭 夏築蛇淵

圍大蒐于比蒲 衛公靈孟嘯帥師

伐曹 秋晉定趙鞅入于晉陽以叛

按左氏趙鞅謂耶音耶午曰午鞅歸我衛頁五百家吾舍如字諸晉陽午許諾歸告其父兄皆不可趙蓋怒遂殺午圍耶音耶午荀寅之甥荀寅士吉射食亦之姻也而相與睦遂伐趙氏鞅奔晉陽晉人圍之趙鞅之入拒范中行即也而直書曰叛何也人臣專土與君為市則是篡弑之階堅冰之戒豈無以有己之義乎後世大臣有困於讒間去遷延居外不敢釋兵卒以憂死者亦未明人臣之義故爾故直書入于晉陽以叛入者不順之辭叛者不赦之罪

冬晉荀寅士吉射入于朝歌以叛

按左氏知音文韓簡魏襄子與荀寅范士吉射相惡將逐荀范言於晉侯曰君命大臣始禍者死載書在河今三臣始禍而獨逐鞅刑不均矣請皆逐之遂奉公以伐二子二子敗奔朝歌晉主夏盟威服天下及大夫專政賄賂公行內外離析示威平丘而齊叛辭請召陵而蔡叛盟于沙鹹而鄭叛次于五氏而衛叛泣于鄭會于夾谷鞅于黃而魯叛諸侯叛于外大夫叛於內故奔于晉陽而趙鞅叛入于朝歌而荀寅與士吉射叛以晉國之大天下莫強焉邦分崩而不能守也春秋於晉事或略而不

晉趙鞅歸于晉

序或賤而稱人或書侵以陋之責亦備矣至是三卿內叛直書于策見貶音現下其效也故臧哀伯曰國家之敗由官邪也官之失德寵賂章也晉卿始禍緣衛貢也樂祁見執獻楊楯食允也蔡侯從吳荀寅貨也昭公弗納范鞅賂也而晉室自是不復扶又能主盟矣故為國以義不以利春秋之木法在焉見諸行事亦可謂深切著明矣

按左氏荀范奔朝歌韓魏以趙氏為請鞅入于絳盟于公宮然則書歸者易也鞅詞也韓魏為之友之請晉侯許之復而寅與吉射去國出奔則無

有難之者故其歸為易矣三子之叛其罪一也鞅
以有援於春故得復寅吉射以無助故終叛春秋
書鞅歸于晉非與之也以罪晉侯縱失有罪無政
刑耳叛逆人臣之大惡始禍晉國之載書既不能
致辟聞於鞅奉行天討以警亂臣又亢苦浪不衷
狗韓魏之請而許之復無政刑矣其能國乎先儒
或謂言歸者以地正國也鞅取晉陽之甲以逐君
側之惡人則其說誤矣以地正國而可是人主可
得而脅於人臣擅興無罪以兵諫者真愛其君
也使後世賊臣稱兵向闕以誅君側為名而實欲
脅君取國者則此說啟
乏也大失春秋之意矣

薛弑其君比

稱國以弑者當國大臣之罪也孫復以為舉國之
衆皆可誅非矣三晉有國采天下若皆可誅刀鋸
不亦濫乎穎川常秩曰孫復之於春秋動輒有罪
蓋商鞅之法耳棄灰於道者有誅步過六天若有
罰其不即入心遠矣王固
以是尚秩此善議復者

乙 敬王二十有四年 晉定十六 齊景五十

二十三 鄭聲五 曹陽六 陳閔六 杞僖十 宋
景二十一 秦惠五 楚昭二十 吳闔廬十九

宋火長生 卷三十四 二十二

春衛靈公叔戌來奔衛趙陽出奔宋原

公叔戌將去南午之黨夫人憇曰戌將為亂故公叔來奔趙陽北宮結皆戌黨也故亦出奔而靈公無道不能正家以喪其大臣之罪者矣成又以富見惡於衛侯夫富者怨之府也使成積而能散以財發身不為貪人之所怨於以保其爵位倘庶幾乎

二月辛巳楚公子結陳公孫佗人帥師滅

頓以頓子牂歸

○夏衛北宮結來奔○五月於越敗吳于

檇李吳子光卒

按左氏吳伐越句古侯踐禦之患其整也使罪人三行交即屬章欲及劔于頓吳師屬目因伐之闕問傷而平書敗者詐戰也定公五年於越入吳至是敗吳于檇李會黃池之歲越又入吳悉書于史以其告也哀之元年吳子敗越棲句踐於會稽古反之上豈獨不告而史策不書疑仲尼削之也吳子光卒夫差使人立於庭荀出入必謂已日而忘越主之殺而父乎則對曰唯不敢忘三年乃報越

然則夫椒之戰復父讎也非報怨也春秋削而不書以為常事也其皆微矣

公會齊侯衛侯于牽八公至自會○秋齊

侯宋公會于洮○天王使右尚來歸賑○

衛世子蒯聵出奔宋

世子國本也以寵南子故不能保世子而使之去國以欲殺南子故不能安其身至於出奔是輕宗廟社稷之所付託而恣行矣春秋兩著其罪故特書世子其義不繫於與蒯聵之世其國也而繫公

無道不能正家以危其國本至使父子相殘毀滅天理之所由著矣

衛公孟彊出奔鄭○宋公之弟辰自蕭

來奔○大蒐于比蒲邾子來會公○城

莒父及霄

丙敬王二十五年十有五年晉定十七齊景五十

十四鄭聲六曹陽七陳閔七杞僖十一宋
景二十一秦惠六楚昭二十一吳夫差元年

春秋集注 卷三十四 二十四

春王正月邾子隱來朝○鼯鼠食郊牛

牛死改卜牛○二月辛丑楚子滅胡以

胡子豹歸

按左氏吳之入楚楚胡子蓋俘楚邑之近胡者楚既定又不事楚曰存亡有命事楚何為為是楚滅之夫滅人之國其罪大矣然胡子豹乘楚之約盡俘其邑之近胡者所謂國必自滅而後人滅之非滅之者獨有罪也國君造命不可委命者既以為有命而又貪生忍辱不死于杜稷則是不知命矣

書以歸罪豹之不能死位而與歸也故楚子書爵而胡子豹名

夏五月辛亥郊○壬申公薨于高寢

鄭罕達帥師伐宋○齊侯衛侯次于渠

蔭○邾子來奔喪○秋七月壬申妣氏

卒○八月庚辰朔日有食之○九月滕

子來會葬丁巳葬我君定公雨不克葬

戊午月下是乃克葬○辛巳葬定姒

公羊曰有子則廟廟則書葬曾子問並有喪則如之何子曰葬先輕而後重其與也其虞也先重而後輕

冬成漆

春秋集傳卷之三十五

春秋集傳卷之三十六

哀公

公名蔣定公子毋定姒四歲即位位在位二十七年其十四年春春秋絕筆謚法

折仁知 恭曰哀

丁敬王二十二年晉定十八年齊景五十四年衛靈四十一年蔡昭二年

十五年鄭聲七年曹陽八年陳閔八年杞僖十二年宋景二十三年秦惠七年楚昭

二十三年(吳) 夫差二年

春王正月公即位。○楚子陳侯隨侯許

男圍蔡

按左氏曰報栢舉也蔡人男女以辨使疆于江汝之間夫男女以辨則是降下同也疆于江汝則遷其國也而獨書圍蔡何也蔡掌以吳師入郢昭王奔隨壞宗廟徙陳噐捷平王之墓矣至是楚國復扶又寧帥師圍蔡降其衆遷其國而春秋書之略者見音蔡宜得報而楚子復讎之事可恕也

聖人本無怨而怨出於不怨故議讎之輕重有至於不與共戴天者今楚人禍及宗廟辱逮父母茲包羞忍耻而不能一洒之則不可以有立而天理滅矣故特書圍蔡而稱爵恕楚之罪詞也

癸鼠食郊牛改上牛夏四月辛巳郊

癸鼠食郊牛改上牛志不敬也夏四月郊書曷不時也四卜非禮亦強其文也全曰牲傷曰牛已牛矣其尚卜免之何也寧置之上帝矣故卜而後免之不取專也昔者周公郊祀后稷以配天此成王亮陰之時位冢宰攝國政行天子之事也魯何以得郊成王追念周公有大勲勞於天下而欲尊魯故賜

以重祭得郊禘太零然則可乎孔子曰魯之郊禘非禮也周公其衰矣欲尊魯而賜以人臣不得用之禮樂豈所以康周公也哉天子祭天地諸侯祭社稷大夫祭五祀庶人祭先祖制見王此定理也今魯得郊以為常事春秋欲削而不書則無以見其失禮之中又有失焉者則書于策所謂由性命而發言也木邵聖人奚容心哉因事而書以誌其失為後世戒其垂訓之義大矣

秋齊侯衛侯伐晉冬仲孫何忌帥師伐邾

戊敬王二十二年 晉定十九 齊景五十五 衛靈四十二 卒 蔡昭三十八

鄭聲八 曹陽九 陳閔九 杞僖十二 宋景二十四 秦惠八 楚昭二十三 吳夫差三

春王二月左孫斯叔孫州仇仲孫何忌帥

師伐邾取漵東田及沂西田癸巳叔孫州

仇仲孫何忌及邾子貜盟于句繹

曷為列書二卿哀公得國不張公室三卿並將去魯眾悉行伐國取地以盟其君而已不與醜焉適

越之辱兆矣定公之薨邾子來奔喪事魯恭葬而
不免於見伐徒自辱焉不知以禮為國之故也邾
在邦域之中不加矜恤而諸卿相繼伐之既取其
田而又強其文與之盟不知以義睦鄰之故也故
詳書以著其罪三人伐則曷為二人盟盟者各盟
其所得也莫強乎季孫何獨無得季受四分公室
有其二昭公伐意如叔孫氏救意如而昭公孫
陽虎囚桓子孟孫氏救桓子而陽虎奔今得邾田
蓋季氏以歸二
家而不取也

夏四月丙子衛侯元卒 ○滕子來朝

晉趙鞅帥師納衛世子蒯聩于戚

世子不言納位其所固有國其所宜君謂之儲副
則無所事乎納矣凡公子出奔復而得國者其順
且易以政則曰歸有秦焉則曰自其難也則曰入
不稱納矣况世子哉今趙鞅帥師以蒯聩復國而
書納者見蒯聩無道為國人之所不受也國人
不受而稱世子者罪衛人之拒之也所以然者緣
蒯聩出奔靈公未嘗有命廢之而立他子及公之
卒大臣又未嘗謀於國人數上聩之罪選公子之
賢者以主其國乃從輒之所欲而君之以子拒人
此其所以稱世子也八莫不愛其親而志於殺莫

春秋集注 卷三十四 二十九

不敬其父而忘其喪，吳不慈其子，欲其子之富且貴也，而奪其位，崩賸之於天，理逆矣。何疑於廢黜？然父雖不父子，不可以不子。輒乃據國而與之爭，可乎？故特繫納衛世子，崩賸于戚於趙鞅帥師之下，而鞅不知義，靈公與衛國大臣不能早正國家之本，以致禍亂，其罪皆見現音矣。

秋八月甲戌，晉趙鞅帥師及鄭罕達帥師

戰于鐵，鄭師敗績。○冬十月葬衛靈公

十有一月蔡遷于州來，蔡殺其大夫公

子駒

州來，吳所滅也。蔡雖請遷於吳，而中悞，吳人如蔡納聘而師畢，入蔡侯，告大夫殺公子駒，以說，知哭而遷墓如此，則實吳人之所遷也。而經以自遷為文，何也？楚既降，反江蔡使疆于江汝，蔡人聽命而還，音旋師矣。復扶又反下背音背楚，請遷于吳，而又自悔也。其謀之不臧甚矣。夫遷國大事也，盤庚五遷，利害甚明，衆猶胥怨，不適去居，至于丁寧反復，覆播告之脩，而後定也。今蔡介音間前于吳楚二大國之間，昔楚誑吳，及其事急，又委罪於執政，其誑之咎也。故經以自遷為文，而殺公子駒則書大夫

而稱國言君與用事大臣擅殺之也故公孫獵則書大夫而稱人言國亂無政衆人擅放之也駟與獵其以請遷于吳為非者乎而委之罪以說誰敢有復盡忠而與謀其國者哉

已敬王二十二年晉定二十齊景五十六衛西十八年出公輒元年蔡昭二十七

鄭聲九曹陽十陳閔十祀僖十四宋景二

十五秦惠九卒楚昭二十四吳夫差四

春齊國夏衛出石曼姑帥師圍戚

按左氏靈公游于郊公子鄆御公曰余無子將立汝對曰鄆不足以辱社稷君其改圖君夫人在堂

三楫在下君命祗音辱靈公卒夫人曰命公子鄆為大音子君命也對曰鄆異於他子且君沒於焉手若有郢必聞且亡人之子輒在乃立輒以拒前贖前贖前稱世子者所以深罪輒之見立不辭而拒其父也輒若可立則前贖為未絕未絕則是世子尚存而可以拒乎主兵者衛也何以序齊為首罪齊人與衛之為惡而黨之也公孫文仲主兵伐鄭而序宋為首以誅殤公事石曼姑主兵圍戚而序齊為首以誅國夏訓天下後世討亂臣賊子之法也古者孫從祖又孫氏王父之字考於廟制昭常為昭穆常為穆不以父命辭王命禮也輒雖由嫡孫得立然非有靈公之命安得云受之王

父辭父命哉故冉有謂子貢曰夫子為衛君乎子
貢曰諾吾將問之入曰伯夷叔齊何人也曰古之
賢人也曰怨乎曰求仁而得仁又何怨出曰夫子
不為也伯夷以父命為尊而讓其弟叔齊以天倫
為重而讓其兄仲尼以為求仁而得仁者也然則
為輒者奈何宜辭於國曰若以父為有罪將從王
父之命則有社稷之鎮公子在我焉於更得為君
以為無罪則國乃世子之所有也天下豈有無父
之國哉而使我立乎其位如此則言順而事成矣
是故輒辭其位以避父則衛之臣子拒削贖而輔
之可也輒利其位以拒父則衛之臣子舍音爵爵祿
而去之可也烏有父不慈子不孝爭利其國滅天

理而可為者乎

夏四月甲午地震○五月辛卯桓宮僖

宮災

桓僖親盡矣其宮何以存季氏者出於桓立於僖
世專魯國之政其諸以是為悅而不毀歟何以不
稱及等也稱及則祖有尊卑矣或謂祖有功宗有
德所以勸也則如之何曰孝子慈孫事其祖考仁
也或七廟或五廟自是而衰初危反禮也奚問其
功德之有無也必若此言是子孫得選擇其祖宗
而尊事之矣豈理也哉

季孫斯叔孫州仇帥師城啓陽。○宋樂

髡帥師伐曹。○秋七月丙子季孫斯卒。

○蔡人放其大夫公孫獵于吳。○冬十

月癸卯秦伯卒。○叔孫州仇仲孫何忌

帥師圍邾。

庚敬王二晉定二十一齊景五十七四年衛出二蔡昭二十八殺鄭戊十九年

聲曹陽十一陳閔十一杞僖十五宋景二十六秦悼公元年楚昭二十五吳夫差五

春王二月庚戌盜殺蔡侯申。

按左氏蔡侯將如吳諸大夫恐其又遷也公孫翩
逐而射之卒然則翩非微者其以盜稱何也蔡侯
背音背楚音楚誰音誰吳又委罪於執政見其謀國如是則
信義俱亡禮文並棄無以守身而自衛夫以得而
害之矣故變文書盜以警有國之君也翩弑君而
及其官者二公孫盍嘗謀國不使其君至於此而
弗見庸者也故書法如此而或者以翩非微者而

稱盜血蘇軾以為永名而不得非矣天下豈有欲求弑君之名春秋又惜此名而不與者哉

蔡公孫辰出奔吳○葬秦惠公○宋景

人執小邾子夏蔡殺其大夫公孫姓公

孫霍○晉人執我蠻子赤歸于楚

楚圍蠻氏子赤奔晉楚謂晉曰晉楚有盟好呼執惡同之若將不廢則寡人之願也不然將通於少賈以聽命趙鞅曰晉國未寧安能惡楚必速與之乃詐執蠻子以畀楚師其曰晉人云者罪之也蠻

子赤何以名夷狄也無罪見執亦書名外之也文公執曹伯則曰畀宋人今此曷云歸于楚歸于楚者猶曰京師楚也晉主夏盟為日久矣不競至此春秋所惡

城西郭○六月辛丑亳社災○秋八月

甲寅滕子結卒○冬十有二月葬蔡昭

公○葬滕頃公

辛敬王三五年晉定二十二齊景五十八卒

亥十年衛出三蔡成公朔元年鄭

聲十一曹陽十二陳閔十二杞僖十六宋景二十七秦悼二楚昭二十六吳夫差六

春城毗○夏齊侯景伐宋○晉定趙鞅帥

師伐衛○秋九月癸酉齊侯杵臼卒○

冬叔還如齊閏月葬齊景公

王敬王三子六年晉定二十三齊安孺子荼元年弒衛出四蔡成二鄭

聲十二曹陽十二陳閔十二杞僖十七宋景十八秦悼三楚昭二十七卒吳夫差七

春城邾瑕○晉定趙鞅帥師伐鮮虞○

吳伐陳夏齊國夏及高張來奔○叔還

會吳夫差于祖○秋七月庚寅楚子軫

卒齊陽生悼入于齊齊陳亡弒其君晏

陽生曷為不稱公子非先君之子也為人子者無以有已見家語注身則以父母之心為心者景公命荼世其國已則篡荼而自立是自絕於先君豈復扶又得為先君之子也不稱公子誅不子也陽

生不字則曷為繫之齊春秋端本之書也正其本則事理陽生之不字也其誰使之然也不有廢長展兩立少詩昭以啓亂者乎故齊景問政於孔子孔子對曰君君臣臣父父子子君不君則臣不臣父不父則子不子以陽生繫之齊者亂之所由生也然而弑茶者陽生與朱毛也曷為書陳乞被景公謂陳乞吾欲立茶何如對曰所樂音乎為君者欲立則立之不欲立則不立也君如欲立則臣請立之陽生謂乞曰吾聞子蓋將不欲立我也對曰千乘反細證之生將廢正而立不正必殺正者吾不立子者所以生子也與之主節而走之魯景公死茶立陳乞使人迎陽生實諸家召諸大夫而示之

曰此殆也諸大夫知乞有備不得已逡巡北面再拜而君之爾故里克中立不免殺身之刑陳乞獻諛終被反皮寄弑君之罪是皆不明春秋之義陷於大惡而不知者也

冬仲孫何也帥師伐邾○宋景公何巢帥師

伐曹陽

癸敬王三十七年晉定一十四齊悼公陽生元年衛出五蔡成三鄭聲

十三曹陽十四陳閔十四杞僖十八宋景公三十九秦悼四楚惠王章元年吳夫差八

春秋集注 卷三十一

春宋景皇瑗帥師侵鄭聲 ○晉魏曼多

帥師侵衛 ○夏公會吳于鄆 ○秋公伐

邾八月己酉入邾以邾子益來

春秋隱君之惡故滅國書取姦以成章左傳而不失其實也恃強陵弱無故伐人而入其國處其宮晝夜褻以其君來獻于亳社囚于負瑕此天下之惡也吳師為手偽友下是克東陽齊人為是取吾邑咄辱國亦甚矣何以備書于策而不諱乎聖人道隆而德大人之有惡務去起呂反之而不積

也則不念其惡而進之矣以邾子益來惡也歸邾子益于邾是知其為惡能去之而不積也故書以邾子來而不諱者欲見音現後書歸邾子之為能去其惡而與之也聖人之情見矣明此然後可以操倉刀反賞罰之權不明乎此以操賞罰之權而能濟者鮮上聲矣

宋景人圍曹陽冬鄭駟弘帥師救曹

春秋集傳卷之三十六終

宋景公十四年會齊魯人...

[Faint vertical text, likely bleed-through from the reverse side]

春秋集傳卷之三十七

哀公二十三年

甲 敬王三十三年

八年 (晉)定二十五年 (齊)悼二十二年 (衛)出

十五年 (陳)閔十五年 (杞)僖十九年 (宋)景三十一年
十 (秦)悼五年 (楚)惠二年 (吳)夫差九年

春王正月宋公景入曹以曹伯陽歸

此滅曹也曷為不言滅滅者亡國之善辭上下之同力也曹伯陽好平報田弋歸人公孫彊獲白鴈



獻之且言田弋之說因訪政事大說悅音之疆言霸
說於曹伯因背音晉而好音宋宋人伐之晉人不
救書宋公入曹以曹伯陽歸而削其見滅之實猶
虞之亡書晉人執虞公而不言滅也春秋輕重之
權衡故書法若此有國者妄聽辯言以亂舊政自
取滅亡之禍可以鑒矣

吳伐我

吳為于為邾故興師伐魯兵加國都而盟于城下
經書伐我不言四鄙及與吳盟者諱之也來戰于
即直書不諱之盟于城下何諱之深也楚人圍宋
易子而食析骸而爨亦云急矣欲盟城下則曰有

以國斃不能從也晉師從齊齊侯致賂晉人不可
國佐對曰子若不許請合音韻又餘燼似刀背音
城借一敵邑之幸亦云從也遂盟于袤婁而春秋
與之今魯未及虧不能少待遂有城下之盟是棄
國也夫棄國者其能國乎使有華如化元國佐之
臣則不至此矣故春秋不言四鄙及與吳盟者欲
見音其實而深諱之以為後世謀國之士不能以
禮義自強偷生惜死至於侵削陵遲而不知耻者
之戒也

夏齊人取讜及闡歸邾子益于邾○秋七

月冬十有一月癸亥杞伯過卒。○齊人

歸謹及闡。

按左氏邾子益齊出也魯以益來則齊人取謹及闡又如吳請師而怒猶未怠也以此見國君之造在早惡不悛音則四鄰謀取其國家莫能保矣歸邾子益于邾則齊人歸謹及闡又辭師于吳而德猶未泯也以此見國君去起惡而不積則四鄰不侵其封境而自安矣曰以日取者逆詞也曰歸者順詞也去逆效順息爭休兵齊無取地之罪魯無失地之辱以此見遷善之優改過之大而春

秋不諱入邾以邾子益來者以明歸益于邾之能掩其前惡而美之也

乙 敬王三

卯 十四年 九年

晉定二十六 齊悼三 衛出

十六 杞閔公維元年 宋景三十 一 秦悼六 楚惠三 吳夫差十

春王二月葬杞僖公。○宋皇瑗帥師取鄭師于雍丘。○夏楚人伐陳。○秋宋公伐鄭

冬十月

丙 敬王三 十年 晉定二十七 齊悼四卒 衛

閏十七 把 閏二 宋景三十二 出八 蔡成六 鄭聲十六 陳

春王二月邾子益來奔 ○公會吳伐齊三

月戊戌齊侯陽生卒

按左氏公會吳伐齊齊人弒悼公赴于師春秋不著齊人弒君之罪而以卒書者亦猶鄭伯髡頑弒而書卒不忍以夷狄之民加中國之君也其存天理之意微矣魯人入邾以其君來罪也齊侯為是

取謹及聞如吳請師討之也魯人悔懼歸益于邾是知其罪而能改也齊侯為是歸謹及聞又辭師于吳是變之正也夫變之正者禮義之所在中國之君也吳人欲遂前言而背音違正理狄道也齊之臣子不能將順上及甚君此天下大變常理之所無也故沒其見弒之禍而以卒書其旨深矣春秋弒君太惡不待貶絕而自見音現也君而見弒豈無不善之積以及其身乎若夫悼公變而克正則無不善之積矣故以卒書而沒其見弒所謂不忍以夷狄之民加中國之君也而存天理之意微矣

夏宋人伐鄭 ○晉趙鞅帥師侵齊 ○五

月公至自伐齊○葬齊悼公○衛公孟

彊自齊歸于衛○薛伯夷卒秋葬薛惠公

冬楚公子結帥師伐陳吳救陳

春秋惡為故首亂善解紛自誅亂臣討賊子之外
凡書救者未有不善之也救在王室則罪諸侯子
突救衛是也救在遠國則罪四鄰晉陽處父救江
是也救在夷狄則罪中國楚公子貞救鄭狄救齊
吳救陳是也吳雖蠻夷之國來會于戚則進而書
入矣使季札聘則又進而書子矣救而果善曷為

獨以號舉而不進之也其以號舉而不進之者深
著楚罪而傷中國之衰也陳者有虞之後當為楚
滅而僅存耳今又無故興師肆行侵伐而列國諸
侯縱其暴橫不能脩方伯連帥之職而吳
能救之故獨以號舉深著楚罪而傷中國之衰也
子欲居九夷乘桴浮于海而曰夷狄之有君不如
諸夏之亡與無也其書吳救陳之意乎

丁敬王三十有一年晉定二十八年齊簡公
十六年衛出九蔡成

七鄭聲十七陳閔十八杞閔三宋景三十

三秦悼八楚惠

五吳夫差十二

春齊悼國書帥師伐我

諸侯來伐無有不書四鄙者令齊師及清涉泗非
 有城下之盟可諱之辱亦書伐我何也傳說音復
 于高宗曰惟甲冑起我惟于戈省厥躬夫省厥躬
 者自反之謂也自反而縮則為壯自反而不縮則
 為老師之老壯在曲直曲直自我而不繫乎人者
 也邾子齊之甥魯嘗入邾以其君來齊人為反
 是取謹及聞請師于吳曲在我也及歸邾光而齊
 人歸謹及聞又辭吳師直在齊矣魯人何名會吳
 伐之也故春秋之記斯師特曰伐我者欲省致師
 之由而躬自厚也垂訓之義大矣

夏陳閔轅頗出奔鄭○五月公會吳伐齊

甲戌齊國書帥師及吳戰于艾陵齊師敗

績獲齊國書秋七月辛酉滕子廩母卒冬

十有一月葬滕隱公○衛世叔齊出奔宋

戊敬王三十有二年晉定二十九齊簡二

午十七年十八陳閔十九杞閔四宋景三十

四秦悼九楚惠六吳夫差十三

春用田賦

哀公問於有若曰年饑用不足如之何有若對曰
 盍徹乎曰二吾猶不足如之何其徹也曰百姓足
 君孰與不足百姓不足君孰與足古者公由什一
 助而不稅魯自宣公初稅畝後世遂以為常而不
 復矣至是二猶不足故又以田賦也夫先王制土
 籍田以力而砥其遠邇賦里以入而重其有無今
 用田賦軍旅之征非矣田以出粟為主而足食賦
 以出軍為主而足兵周制宅不毛者有里布無職
 事者征夫家漆林之稅二十而五則弛力薄征當
 以農民為急而增賦竭作不使末業者獨幸而免

夏五月甲辰季子卒

也今二猶不足而用田賦是重困農民而削其本
 何以為國書曰用田賦用者不宜用也近世議弛
 商賈之征達於時政者欲先省國用首寬農民後
 及商賈知春秋譏田賦之意矣

孟子吳女昭公之夫人其曰孟子云者諱取音娶
 同姓也禮取妻不取同姓買妾不知其姓則上之
 厚男女之別也同姓從宗合族屬異姓主名治際
 會名著而男女有別矣四世而總音服之窮也五
 世而祖免音殺音友音同姓也六世親屬竭矣其庶
 姓別於上戚單於下昏姻可以通乎綴之以姓而

弗別合綴綴作之以食嗣而弗殊雖百世而昏姻不通周道然也昭公不謹於禮欲結好呼報強吳以去上三家之權忍取同姓以混男女之別不命於天子以弱其配不見現音於廟不書於策以廢其常典禮之大本喪息浪矣其失國也宜故陳司敗問昭公知禮乎子曰知禮子退揖奉馬期而進之曰吾聞君子不黨下世君子亦黨乎君娶於吳為同姓謂之吳子也子君而知禮孰不知禮也禮在馬期以告子曰也幸苟有過人必知之書也子卒雖曰為于偽君隱而實亦不可掩矣

公會吳于橐臬 ○秋公會衛侯宋皇瑗

于郎 ○宋向巢帥師伐鄭 ○冬十有一月

冬

已敬王三十三 十有三年 晉定三十一 齊簡三 衛

未十八年 出十一 蔡成九 鄭聲

十九 陳閔二十 杞閔五 宋景三十 秦悼十 楚惠七 吳夫差十四

春鄭聲罕達帥師取宋 景師于品 ○夏許男成卒 ○公會晉侯及吳子于黃池

黃池衛地其言及者會兩伯之詞也春秋內中國而外諸夷吳人主會其先晉紀常也春秋四夷雖天皆曰子吳僭王矣其稱子正名也以會兩伯之詞而言及者先吳則拂經而失序列書則泯實而傳疑特書曰及順天地之經著盟會之實又以見晉夷狄之強而抑其橫去聲也定公以來晉失霸業不主夏盟夫差音扶暴橫勢傾上國自稱周室於已為長反展兩蓋太伯之後以族屬言則伯父也而黃池之會聖人書法如此者訓後世治中國御四夷之道也明此義則知漢宣帝待單于位在諸侯王上蕭傳之議非矣注見隱公三年唐高祖稱臣於突厥倚以為助劉文靖之策失矣何況於以父事

之如石晉者將欲保國而免其侵暴得乎或曰苟不為此至於亡國則如之何曰存亡者天也得失者人也不可逆者理也以人勝天則事有在我者矣必若顛倒音到冠履而得天下其能一朝居乎故春秋撥亂反正之書不可以廢焉者也

楚入申帥師伐陳於越入吳

吳自柏舉以來憑陵中國黃池之會遂及夏盟可謂強矣而春秋繼書於越入吳所謂因事屬辭垂戒後世而見音覲深切著明之義也曾子曰戒之戒之出乎爾者反乎爾見孟若氏曰佳兵不祥之器其事好呼報還夫以力勝人者人亦以力勝之

矣。吳嘗破越，遂有輕楚之心。及其破楚，又有驕齊之志。既勝齊，師復扶與晉人爭長展兩，自謂莫之敵也。而越已入其國都矣。吳兵侵中國，而越滅之。越又不監，而楚滅之。楚又不監，而秦滅之。秦又不監，而漢滅之。老氏曾子其言豈欺也哉？春秋初書於越，入兵在柏舉之後，再書於越，入兵在黃池之後，皆因事屬辭垂戒，後世不待貶絕而見深切著明之義也。而可廢乎？

秋公至自會。○晉定魏曼多帥師侵衛出

○葬許元公。○九月螽。○冬十有一月有

星孛于東方。○盜殺陳夏區夫。○十有

二月螽。

庚敬王三十有四年。晉定三十二齊簡四


申十九年。陳閔二十一杞閔六。宋景三

十六。秦悼十一楚惠八。吳夫差十五

春西狩獲麟。河出圖，洛出書，而八卦畫，籙詔作春秋成，而鳳麟至，事應於諡反，雖殊其理，一也。易曰：言，乾文，大人若

先下同薦反天而天弗違後下同天而奉天時舜
孔子先天者也先天而天弗違志壹之動氣也伏
羲氏後天者也後天而奉天時氣壹之動志也
有見乎此者則曰文成而麟至無見乎此者以為
妖妄而近誣周南關雎之化王者之風而麟之趾
關雎之應也召南鵲巢之德先公之教而駟虞鵲
巢之應也世衰道微暴行交作臣弑其君者有之
子弑其父者有之夫子為是作春秋明王道正人
倫氣志天人交相感應之際深矣制作文成而麟
至宜矣商主恭默思道帝賚良弼得於傅巖周
公欲以身代其兄植璧秉珪而武王疾愈啓金
縢之策天乃反風出罪已之言熒惑退舍至於

勇夫志士精誠所格上致日星之應召物產之
祥蓋有之矣况聖人之心感物而動見音現於
行事以遺唯季天下與來世哉簫韶九奏鳳儀于
庭魯史成經麟出於野亦常理爾詩以正情書以
制事禮以成行樂以養和易以明變垂教亦備矣
則曷為作春秋子曰我欲載之空言不如見之於
行事之深切著明也知我者其惟春秋乎何以約
乎魯史子曰我欲觀夏道是故之杞而不足徵也
我觀周反也我欲觀殷道是故之宋而不足徵也我觀周
道幽厲傷之舍魯何適矣何以始乎隱公三綱論
九法數暗天下無復扶又有王也何以絕筆於獲
麟其以天道終乎聖人之於天道命也有性焉君



子不謂命也是故春秋天子之事聖人之用揆亂
 反正之書考諸三王而不謬音建諸天地而不悖
 質諸鬼神而無疑百世以俟聖人而不惑其於格
 物脩身齊家治國施諸天下無所求而不得亦無
 所處而不當何莫學夫春秋故君子誠有樂音乎
 此也由仲尼至於孟子百有餘歲若顏魯則見而
 知之若孟子則聞而知之由孟子而來至于今千
 有餘歲矣其書未亡其出于人心者猶在蓋有不
 得已焉耳則亦有不得已焉耳矣

春秋集傳卷之三十七 終

寬文三癸卯正月吉辰

鳥丸通下立賣下町

野田庄右衛門板行

文化甲戌

春秋集傳 卷之三十七 四十一

